

Que bien petite vendange,  
 Ce qui nous est bien étrange.  
 Car le cidre Maloin  
 Ne vaut pas du petit vin.  
 Mais aions la patience  
 Que soyons rendus en France.  
 Approche de moy, garson,  
 Et m'apporte ce jambon,  
 Que j'en prenne vne aiguillette,  
 Car ce lard point ne me haite.  
 J'aimeroy mieux voir noz plats  
 Garnis de bons cervelats,  
 De patés & de saucisses  
 Confits en bonnes epices,  
 Que de cette venaison  
 Dont ie n'ay nulle achoison,  
 Non plus que de ces moruës  
 Qui sont toutes vermoluës.  
 Certes le maitre valet  
 Meriteroit vn soufflet  
 De nous bailler tout du pire  
 Qui soit dedans ce navire.  
 Car nous devrions par honneur  
 En tout avoir du meilleur.  
 Otez nous tant de viandes,  
 Et apportez des amandes,  
 Pruneaux, figues, & raisins,  
 Et buvons à noz voisins.  
 Ca toute la pleine tasse,  
 C'est à vôtre bonne grace  
 Capitaine Chevalier.  
 Si dedans vôtre cellier